

淮海集

乙

卷之二



淮海集卷之六目錄

七言古詩

和黃法曹憶梅花

和詩附

題驃褭圖

和東坡紅鞵帶

題楊康功醉道士石

送蔡子驤

和裴仲謨放兔行

南都新亭行寄王子發

閣

以蓴薑法魚糟鱓寄子瞻



贈女冠暢師

次韻黃冕仲寄題步雲閣

徐得之閑軒

送喬希聖

卷之六目錄終

淮海集卷之七目錄

五言律詩排律附

輦下春晴

睡起

次韻莘老初至湯泉

原唱附

對過六合小亭次韻三首

懷孫子實

對淮南詔獄二首

答米元章

宿參寥房



次韻米元章齋居卽事

次韻酬陳傳道

次韻傳道自適

次韻子由題斗野亭 和詩附

排律附 合小亭次韻三首

德清道中寄子瞻 泉風學州

鮮于子駿生日

次韻蔣穎叔南郊祭告上清儲祥宮

擬郡學試東風解凍

卷之七目錄終

淮海集卷之八目錄 七言律詩

駕幸太學 題闈求仁虛樂亭三首

懷李公擇 次韻二首

題湯泉二首 題王欽之自圓庵

流觴亭二首 遊龍門山

遊龍瑞宮 次韻朱李二公見寄二首

睡足軒二首 寄孫莘老

次韻馬忠玉 寄李公擇

寄李端叔 倪敦復北軒



題盧君斗齋

次韻酬周開祖

送王元龍赴泗州

題九曲池

題平山堂

題蜀井

題摘星亭

題光化塔

廣陵五題  
俱附原唱

贈金山寶覺大師

遊鑑湖山

謁禹廟

蓬萊閣

別程公闢

中秋口號

客有傳朝議欲以子瞻使高麗大臣惜其去白罷

之感而作此

附莘老詩

卷之八目錄終

淮海集卷之九目錄

七言律詩

顯之禪老欲以草菴見處作二詩約之

附和詩

和孫莘老遊龍洞

附和詩

送蔣穎叔二首

和劉僕射感舊言懷

西城宴集二首

清明前一日李觀察席上得風字

次韻羅正之惠縣扇

寄新息王令藏春場



送劉承議解職歸養

次韻王仲至侍郎會李觀察池上

慶張君俞得子

寄題澄碧軒

寄張文潛

次韻裴秀才上向太守二首

次韻向守登樓二首

寄錢節

贈劉景文

答龔深之

次裴仲謨韻

答曾存之

春日懷參寥

次韻裴仲謨

答閻求仁謝參寥

次韻劉遜父以寧齋詩二軸作以還之

次韻何子溫

次韻宋履中謁大慶退食館中

與鄧慎思沐於啓聖遇李端叔

和程給事賢闡黎化去之作

再賦流觴亭

燕觴亭

會蓬萊閣

次韻侍祠南郊



與李端叔遊智海

寄題冷風閣

次韻謝李安上惠茶

次韻范純夫戲答李方叔饋笋

寄少儀弟

九月八日夜大風雨寄王定國

林次中奉使契冊劉仲平出倅鄆州同舍飲餞於

大丁氏園二首

送平仲學士

卷之九目錄終

淮海集卷之十 五六言絕句

題趙團練畫江干晚景四首

夢中作一首

寧浦書事六首

卷之十目錄終



淮海集卷之十一目錄

七言絕句

寄孫傳師著作

泗州東城晚望

戲雲龍山人二首

白衣閣二首

照閣

睡足寮寄震鼎二弟

次韻參寥見別

與倪伯輝九曲池有懷元龍參寥



春日五首

秋日三首

次韻子由邵伯埭見別三首

附原唱

還自廣陵四首

元日立春三首

次韻宋履中題李侯檀欒亭

春日偶題呈錢尚書

錢尚書和詩餉米奉謝二首

擬織錦圖

晚出左掖

次韻蔡子駿瓊花

處州水南庵二首

三月晦日偶題

次韻東坡上元扈從三絕

四時四首贈道流

別牛司理

送酒與泗州張守

題柳陽道中古寺壁二首

又別牛司理

和工部侍郎新章

題金華山寺壁

出省馬上有懷蔣穎叔次韻

附原唱



元祐三年余被召至京師從翰林蘇先生過興國浴室院始識汶師後二年復來因次韻

客有遺予以假山石池者聞陳元發有石菖蒲作詩乞之

與國浴室院獨坐對兒子堪就試未出

題務中壁

題法海平閣黎

畱別平閣黎

卷之十一目錄終

淮海集卷之六

宋高郵秦觀少游撰

明仁和李之藻振之校

七言古詩

和黃法曹憶建溪梅花同參寥賦

海陵參軍不枯槁醉憶梅花愁絕倒為憐一樹傍寒溪

花木多情自相惱清淚班班知有恨恨春相逢苦不早

甘心結子待君來洗雨梳風為誰好誰云廣平心似鐵

不惜珠璣與揮掃月沒參橫画角哀暗香銷盡令人老



天分四時不相貸孤芳轉盼同衰草要須健步遠移歸  
亂插繁華向晴昊

參寥詩 朔風蕭蕭方振槁雪壓茅齋欲欲倒門前  
誰送一枝梅問訊山僧少病惱強將筆力爲君寫麗  
句已輸何遜早碧桃丹杏空自妍嚼葉嗅香無比好  
先生攜酒傍玉叢醉裏雄辭驚電掃東溪不見謫仙  
人江路還逢少陵老我雖不飲爲誰牽不惜山衣同  
藉草要須陶令插花歸醉臥春風軼軒昊

子瞻和

西湖處士骨應槁只有此詩君壓倒東坡

先生心已灰爲愛君詩被花惱多情立馬待黃昏殘  
雪消遲月出早江頭千樹春欲暗竹外一枝斜更好  
孤山山下醉眠處點綴裙腰紛不掃萬里春隨逐客  
來十年花送佳人老去年花開我已病今年對花還  
草草不如風雨卷春歸收拾餘香還畀昊  
化工未識蘇羣槁先向梅花一傾倒江南無雪春瘴  
生爲散冰花除熱惱風清月落無人見洗粧自起嚴  
鍾早惟有飛來雙白鷺玉羽瓊枝間清好吳山道人  
心似水眼淨塵空無可掃故將妙語寄多情橫機欲



寄東坡老東坡習氣除未盡時復長篇書小草且撼  
長條殮落英忍饑未擬呼穹昊  
子由和水老夫毛骨日凋槁愁見米鹽惟醉倒忽傳  
騷客賦寒梅感物傷春同懊惱江邊不識北風勁墻  
頭知有南枝早未開素質夜光明半落清香春更好  
鄰家小婦學閑媚靚粧惟有長眉掃孤芳已與飛霞  
競結子仍先百花老苦遭橫笛亂飛英不見遊人醉  
芳草可憐物性空自知羞作繁華助芒昊  
憐君古木依岩槁西江飲醉須彌倒野花幽草亦何

爲嶮語長篇空自惱萬點浮溪輒長嘆一枝過嶺誇  
先早拾香不忍游塵污嚼蘂更憐真味好道人遇物  
誠心有得瓦竹相敲緣自掃誰知真妄了不妨令我至  
今思躡老妙明真覺昔未識但向閑窗看詩草浮雲  
時起鳥四飛畢竟安能亂清昊

題騾褱圖

雙瞳夾鏡權協月尾鬣蕭森澤於髮鞍銜不施韁復脫  
旁無馭者氣騰越地如砥平丘隴滅天寒日暮抱饑渴  
驤首號鳴思一發超軼絕塵入恍惚東門金鑄欠銷歇



曹霸丹青亦云沒賴有龍眠戲揮筆眼前時見千里骨  
玉臺閭闔相因依嗟爾龍媒空自奇鸞旗日行三十里  
焉用逐風追電爲

和東坡紅鞵帶

君不見相如容貌窮不枯卓氏耻之分百奴一朝奉旨  
使笳笳駟馬赤車從萬夫仲元君平更高妙寄食耕卜  
霜媚鬚兩川人物古不乏數子風流今可無參軍少年  
飽經術期作侍中司御壺老披青衫更矍鑠上馬不用  
兒孫扶一朝忽解印綬去耻將詩禮攘裙襦懸知百年

事已定却笑列仙形甚臞東阡北陌西風入瑞草橋邊  
人叫呼相見紅圍照白髮頽然醉臥文君壚

題楊康公醉道士石

黃冠初飲何人酒徑醉頽然不知久風吹花石楚山阿  
藤蔓纏身蘚封口常隨白鶴亦飛去但有衣冠同不朽  
異物終爲賢俊得野老田夫豈宜有華陰楊公香案吏  
一見遂作忘年友日暮西垣視草歸往往對之傾數斗  
大夢之間無定論啓母望夫天所誘穀城或與子房期  
西域更爲陳那吼我疑黃冠反見玩若此堅頑定醒否



海海集 卷之六 四  
何當一笑凌蒼霞顧謝主人聊舉手  
送蔡子驤用蔡子駿韻天  
越絕山川遠相屬萬壑千巖抱青綠臥龍一峰稱是奇  
遶趾清漪如帶束鏡水春生鴟尾銜稽山日暮猿聲續  
三休上與蓬來接登眺使人遺寵辱我昔東遊觀禹穴  
痛飲狂歌得所欲上天何曾有官府鸞鳳日日遭鞭朴  
僧坊画壁閱幾徧神妙難忘獨金粟華胥夢斷已十年  
又見春風煮餈粥苧羅若耶固依舊可憐雲月誰追逐  
故人淡泊出天性鷦鷯巢林一枝足不肯絃歌甘筦庫

還同市門隱梅福惟應月下小叢歌尚有哀音傳舊俗

和裴仲謨放兔行

兔饑食山林兔渴飲川澤與人不瑕疵焉用苦求索天  
寒草枯死見窘何太迫上有蒼鷹禍下有黃犬厄一死  
無足悲所耻敗頭額敢期揮金遇倒橐無難色雖乖獵  
者意頗塞仁人責兔兮兔兮聽我言月中仙子最汝憐  
不如亟返月中宿休顧商巖并嶽麓

南都新亭行寄王子發  
洛水沄沄天上動道入隨渠下梁宋宋都堤上十二亭



一飛驚若鸞鳳光華遠繼周王雅宴喜還歸魯侯頌  
玉觴嚴令肅衣冠金縷哀音繞梁棟娟娟殘月照波翻  
習習暖風吹鳥哢何處高帆落文鷁誰家俊馬嘶征鞚  
柳枝芳草恨連天暮雨朝雲同昨夢借問亭名製者誰  
留守王公才望重胸中雲夢吞八九日解千牛節皆中  
祥符相公實曾祖庭列三槐多伯仲承明厭直出荊州  
轉守此都行大用此都去天纔尺五交廣荆陽歸引控  
兔園事迹化黃埃清冷文雅堪長慟舳艫銜尾車挂轄  
昨日出迎今日送送故迎新無已時古往今來相戲弄

亭下嶮崎淮海客末路逢公詩酒共一樽明日難重持  
豈恤官期後芒種今年氣候頗云早天矯梅花春欲縱  
行見亭中祖帳開千乘送公歸法從

以蓴薑法魚糟蟹寄子瞻

鮮鯽經年漬醯醢團臍紫蟹脂填腹後春蓴茁滑於酥  
先社薑芽肥勝肉鳧卵纍纍何足道釘釘盤飧亦時欲  
淮南風俗事瓶罌方法相傳爲旨蓄魚鱠蜃醢薦籩豆  
山簌溪毛例蒙錄輒送行庖當擊鮮澤居備禮無麋鹿

贈女冠暢師



睡人剪水腰如束一幅烏紗裹寒玉飄然自有姑射姿  
田看粉黛皆塵俗霧閣雲牕人莫窺門前車馬任東西  
禮罷曉壇春日靜落紅滿地乳鴉啼

次韻黃冕仲寄題順興步雲閣

故山無期大刀頭黃塵溽暑未罷休步雲之篇忽我投  
便見冰玉懸清秋順興山川甲閩甌無風萬壑松颼颼  
步雲之人人品優御風禦寇真其儔仙人乘槎凌斗牛  
回環十見天星周猿鶴忽驚空蕙帳周家正要礪溪望

徐得之閑軒

建安自古多俊髦徐子磊落尤其豪論兵說劍走湖海  
身勤事左無所遭綠水五校已屠膾黑衣三衛嗟徒勞  
歸來故山便卜築脫棄萬事輕鴻毛橫前澗水漱哀玉  
傍舍老櫪藏飛猱山蔬何用媿梁肉鶴髦未必輸青袍  
追寒弄月有真意慎勿輕語傳兒曹

送喬希聖

鷗翔蓬蒿非所悲鵬擊風雲非所喜貴賤窮通盡偶然  
回頭總是東流水我思田文昔相齊朱袍照日如雲霓  
三千冠佩醉明月清歌一曲傾玻璃如今陳迹知何在



但見荒塚烟蕪迷又思原憲昔居魯門戶東西閉環堵  
 杖藜對客騁高談自覺胸襟輩堯禹如今寂寞已成塵  
 空有聲名掛千古送君去何時回世間如此令人哀我  
 徒駐足不可久笑指白雲歸去來

淮海集卷之六終

淮海集卷之七

五言律詩 排律附

輦下春晴

樓闕過朝雨參差動霽光衣冠分禁路雲氣繞宮牆亂  
 絮迷春濶薦花困日長經旬牽酒伴猶未獻長揚

睡起

睡起東軒下悠悠春緒長爬搔失幽囀欵欠墮危芳蛛  
 網留晴絮蜂房受晚香欲尋初斷夢雲霧已冥茫

次韻莘老初至湯泉二首



夾路山重複參天樹老蒼一區成小市數埒引溫湯洗  
沐同幽客舖殮就梵坊未輪朝市子斗酒得西涼  
年華行已老林莽尚葱蒼地勝連龍洞泉溫注鬼湯人  
風遠城市鍾梵近僧坊九夏來投錫棲心應更涼

莘老詩 川谷悶深阻天時正莽蒼聊同不速客來  
浴自然湯茂宰藹休政道人棲淨坊恍如登十地熱

惱頓清涼

過六合水亭懷裴博士次韻三首

昔同裴博士酌酒俯庭柯晚岫潭潭碧風池瑟瑟波蒼

崖遺老沒白首故人過轉眄成陳迹勞生可奈何

晚憇孤亭上羸驂繫斷柯荒門寒帶路空檻濶增波往  
事青山在餘生白鳥過誦言成絕語疊疊迫陰何

折柳相從地重來失舊柯林光延晚照岸影動微波隔  
浦檀欒密當簷翡翠過主人成異物搔首奈情何

懷孫子實

舉眼趨浮末斯人獨好脩青春三不惑黃卷百無憂玉  
出方流潤鸞停翠竹幽相思自成韻不必寄西郵

對淮南詔獄二首



一室如懸磬人音盡不聞老兵隨臥起漂母給朝爨樊  
雉思秋野鞫鷹望暮雲念歸忘食事日減臂環分  
淮海行搖落文書亦罷休風霜欺獨宿燈火伴冥搜笳  
動朱樓曉參橫粉堞秋更拚飛鏡破應得大刀頭

次韻荅米元章

嗜好清無滓周旋粲有文揮毫春在手岸幘海生雲花  
鳥空撩我尊鱸正屬君惟應讀鷓鴣差不愧王筠

宿參寥房

鄉國秋行暮房櫳日已暝驚風多犯竹破月不藏星鉤

箔簷花動抄書燭燼零非關相見喜自是眼長青

次韻米元章齋居卽事

庭木雙株茂盆池一掬慳支頤魚出樂入背鳥知還老  
境行將及仙書讀未閑因君歌鳳過通夕夢歸山

次韻酬陳傳道

白髮三冬學青衫八尺身誰知人上傑聊作吏中循揮  
翰通元氣開編友古人寄聲張氏子曲逆豈長貧

次韻傳道自適兼呈都司芸叟學士

楚國陳夫子周南頗滯留弊袍披槁葉瘦馬兀扁舟藥



餌過三伏文書散百憂何人共禪悅居士有浮休

次韻子由題斗野亭

滿市花風起平堤漕水流不堪春解手更爲晚停舟古  
埭天連鴈荒祠木蔽牛杖藜聊復爾轉盼夕烟浮

子由詩 細雨添春色微風靜闌流勞生兩蓬鬢生  
計一扁舟飲食隨魚蟹封疆入斗牛風波方在眼轉

覺此生浮

排律附

德清道中還寄子瞻

投曉理竿棹溪行耳目醒蟲魚各蕭散雲日共晶熒水  
苕重深翠烟山疊亂青路回逢短榜崖斷點孤翎叢薄  
開羅帳淪漪寫鏡屏疎籬窺窈窕支港泛冬簪遠漱依  
微見哀猿斷續聽夢長天杳杳人遠樹冥冥旅思搖風  
旆歸期數月莫何時燃蜜炬復聽閣前鈴

鮮于子駿使君生日

往昔高堂夢熊羆兆吉占氣鍾西蜀秀時應仲秋嚴江  
漢揮犀尾風雲下筆尖微辭追屈宋精義到黃炎操履  
森寒栢名聲耿夜瞻擊彊鵬鶚健治劇鷓鴣銛使者旌



旄易將軍印綬添鴛鴻隨步武虎豹入韜鈴錦覆郎官  
綬彤垂太守襜兩行分蜜炬十里上珠簾禮士常懸榻  
誅姦或奮髯雨堂昏絳帳風帙亂牙籤銀漢星初換金  
莖露已霑歡聲連北固壽邑亘東漸麗句充文几奇香  
物玉奩簪紳五福具罇俎四難兼賤子真殊幸清標獲  
屢覘誤蒙雕朽木猥辱畫無鹽嘉運方熙洽英才豈滯  
淹佇公歸法從行道慰民瞻

次韻蔣穎叔南郊祭告上清儲祥宮

二十  
七韻

特起朝陽內祠宮極邃清高窻闕玉女巨闌守昌明盛

掩秦諸時雄逾漢兩京垣橫天上紫洲露海中瀛黃帝  
初龍躍中原罷虎爭樵夫亦談道行旅不持兵此地修  
襪禮于時保利亨栢梁災未幾陳寶詔重營御帑金繒  
出慈闈服玩并標題動宸翰撰次屬鴻生玉刻黃冠印  
金書祕殿名妙經藏洞觀真籙佩威盟仙溜花間靜瓊  
枝物外榮肇禋承帝祉肆青順民情天施寧論報風行  
不計程近傳聞磬管時或見旄旌海嶽朝雙闕星辰集  
上楹禮如尊太一事異寵文成大似圓丘報長於至日  
迎侍臣來祭告法駕欲時行釐事通元氣高真達孝誠



淮海集 卷之七 五  
慶增黃帝系壽續太陰精西北夷門峻東南輦路傾雲  
行博山氣風卷步虛聲符貺方期應英髦各彙征謳歌  
興法從行見泰階平

擬郡學試東風解凍

寶歷開新歲春回斗柄東漪生天際水東解日邊風浩  
蕩依蘋起侵尋帶雪融江河霜練靜池沼玉奩空魚藻  
雍容裏雲霄俯仰中更無舟楫礙從此百川通

淮海集卷之七終

淮海集卷之八

七言律詩

駕幸太學

原廟初更十二章還輿詔蹕幸諸庠法天壁水遙迎伏  
應夜深衣不亂行風動四夷將遣子禮行三舍遂賓王  
前知此舉追虞氏果有球音發舜堂

題閭求仁虛樂亭三首

禪房幽構徑彎環噪鵲鳴鳩盡日閑隱几冥濛超物表  
畫圖髣髴見林間褰簾雲吐池中月岸憤天橫竹外山



淮海集 卷之八  
秋興已闌成麗句板輿時此慰慈顏

長官平昔嗜林丘僧與開亭待勝遊脩竹回環扶碧瓦  
小池方折轉清流春深鷓鴣催詩句夜靜蟾蜍入酒舟  
只恐政成留不得縣人空此憶常游

誰構新亭近翠微似教陶令狎天機池光引月來簷廡  
竹影疏風到客衣愛酒有時攜玉斝無絃聊自拂金徽  
人間此樂應無幾肯向良辰與物違

懷李公擇學士

一辭行旆楚亭臯幾爲登臨掛鬱陶蓬斷草枯時節晚

山長水遠夢魂勞流傳玉刻皆黃絹早晚金閨報大刀  
宣室方疑鬼神事順風行看駛鴻毛

次韻二首

青髮從遊各白袍老來邂逅更陶陶尺書繼月傳雙鯉  
相見何時詠百勞諫草十年聊閣筆坐棠三郡不更刀  
靈崖灤水堪行樂時事紛紛劇蝟毛

畫船京口見停橈蕭洒渾疑謝與陶但把好山供勝踐  
不將餘論掛塵勞諫垣天上經焚草藩國年來屢夢刀  
北路近傳新政美未嘗因物疆吹毛



題湯泉二首

滿斛冷冷注不窮，幻塵乾慧洗皆空。  
法流水接諸天上，神漢香聞一國中。  
金粟示爲除病惱，跋陀仍已獲圓通。  
馬蹄又入風埃去，回首吳吟謝迺翁。  
湯泉有迺翁

寄題王欽之自圓庵

誅茅北戶結圓廬，從事風流入畫圖。  
珠箔粉垣藏混沌，

葛巾藜杖造虛無。春閑居士天花室，  
書盡仙人白玉壺。遙想吏行鳧鷖散，  
沈烟一穗對團蒲。

流觴亭并次韻二首

縹縹雲巒欲盡頭，灑然華構別飛流。  
朱盤漱灑開冰鑑，碧甃縈紆走玉虬。  
毛骨漸驚超濁界，風烟驟覺變清秋。  
更憐白足如霜句，可羨溪邊六逸遊。

臥龍西畔北池頭，水擘華堂瑟瑟流。  
幾曲漪漣盤翠帶，一峰孤秀浴蒼虬。  
香囊近午清無汗，素扇生涼爽入秋。  
待喚画師來貌取，圖成便是竹溪遊。



遊龍門山次程公韻

路轉橫塘入亂峰  
遍尋瀟灑與無窮  
樓臺特起喧嘩外  
村落隨生指點中  
溪傍五雲清逗玉  
松分八面翠成宮  
歸途父老欣相語  
今日程公昔謝公

遊龍瑞宮次程公韻

靈祠真館闕山隈  
形勢相高對越臺  
莓徑翠依屏上轉  
藕花紅繞鑑中開  
鶴啣寶箭排烟去  
龍護金書帶雨來  
夾道萬星攢騎火  
滿城爭看使君回

次韻朱李二君見寄二首

東阡北陌坐淹時  
偶爲高風振羽儀  
十丈蓮花開處遠  
三年楮葉刻成遲  
鬢毛但速安仁老  
錢粟難輸曼倩饑  
尚賴故人遙省憶  
發揮春色有新詩  
萬古流空一鳥沈  
衣冠常苦事違心  
七行俱下知君舊  
四者難并笑我今  
梅已偷春成國色  
雲猶憑臘造天陰  
美人綠綺煩遙贈  
莫致南金增永吟

睡足軒二首

長年憂患百端慵  
開斥僧坊頗有功  
地撤蔽虧僧界淨  
人除荒穢玉奩空  
青天併入揮毫裏  
白鳥時興隱几中



淮海集 卷之八  
最是人間佳絕處夢殘風鐵響丁東  
數椽空屋枕清流一榻蕭然散百憂終日掩關塵境謝  
有時開卷古人遊鳴鳩去後滄浪晚飛雨來初苗苗秋  
此處便令君睡足何須雲夢澤南州

寄孫莘老少監

一出承明七換麾君恩復許上彤墀  
白衣蒼狗無常態璞玉渾金有定姿  
天上圖書森似舊人間歲月浪如馳  
鼇頭只在蓬山畔行赴蟠桃熟後期

次韻馬忠玉喜王定國還自濱州

淮海相逢一解頰紛紛歲月夢魂間  
初驚漁艇迷花去忽認星槎拂斗還  
桂嶺暮登猿斷續槐堂春到鳥綿蠻  
石渠舊議行當復未信佳時得自閑

寄李公擇郎中

節旄淮畔脫秋風忽跨鯨魚上碧空  
華秀兩跗當重露文成五色在高桐  
江南又說衣冠盛廷右仍瞻禮樂隆  
朝覲既升淮海見灑灑雨雪自消融

寄李端叔編脩

旗亭解手屢冬春聞道歸來白髮新  
馬革裹尸心未艾



金龜換酒氣方震夢魂偷遶邊城月導從公穿禁路塵  
知有新編號橫槩爲憑東使寄淮濱

寄題倪敦復北軒

倪郎才韻照冰壺北向開軒頗自娛簷度蕙風鳴鵠鷄  
壁經梅雨畫蟻踰觥籌交錯銀河掛文史縱橫角簞鋪  
官舍私居同是漫莫嗟三徑就荒蕪

寄題盧君斗齋

俠氣軒軒翰墨場迢迴世路鬢成霜出從車馬行千里  
歸與琴書寄一方鳥嘯入簾春欲破爐香侵夢日初長

扁舟會有山陽役聊借狂夫挹酒漿

次韻酬周開祖宣義

并州令尹古人風淮海相忘十載中麗句曉披花綽約  
清談初扣玉丁東追攀昔共猗犴子嗜好今同桑苧翁  
所惜華船輕解纜未窺笠澤故書叢

送王元龍赴泗州糧料院

子猷風味最諸王試吏聊懷筦庫章鵠峙碧桐初振羽  
珠遺滄海漸騰光淮山暮眺千峰耀洛水秋輸萬鷁翔  
顧我行爲大梁役一卮薄酒話愁腸



次韻子由題九曲池

廣陵五題

蕭瑟通池闕茂林岸傍無復屬車音  
潞春似恨隋家遠漲曉疑連蜀井深  
鬪草事空煙冉冉司花人遠樹陰陰  
勞生俛仰成陳迹縱有遺音可用尋

子由詩

稽老清彈怨廣陵隋家水調寄哀音  
可憐

九曲遺聲盡惟有一池春水深  
鳳闕蕭條荒草外龍舟想像綠楊陰  
都人似有興亡恨每到殘春一度尋

次韻子由題平山堂

棟宇高開古寺間盡收佳處入雕欄  
山浮海上青螺遠

天轉江南碧玉寬雨檻幽花滋淺淚  
風卮清酒漲微瀾遊人若論登臨美  
須作淮東第一觀

子由詩

堂上平看江上山晴光千里對憑欄  
海門

僅可一二數雲夢猶吞八九寬  
簷外小棠陰蔽葑壁間遺墨涕沆瀾  
人亡坐覺風流盡遺構仍須子細觀

次韻子由題蜀井

蜀岡精氣滄多年故有清泉發石田  
乍飲肺肝俱凜雪反窺杖屨亦輕便  
炊成香稻流珠滑煮出新茶潑乳鮮  
坐使二公鄉思動放杯西望欲揮鞭



子由詩 信脚東遊十一年甘泉香稻憶歸田行逢  
蜀井况如夢試煮山茶意自便短綆不收容盥濯紅  
泥仍許置清鮮早知鄉國勝爲客遊宦何須更着鞭

次韻子由題摘星亭

迷樓舊址

崑崙左右兩招提中起孤高雉堞西不見燒香成宿霧  
虛傳裁錦作障泥螢流花苑飛星亂蕪滿春城綠髮齊  
長憶凭欄風雨後斷虹明處海天低

子由詩 闕角孤高特地迷迷藏渾忘日東西江流  
入海情無限暮雨連山醉似泥夢裏興亡應未覺後

來愁思獨難齊只堪留作遊觀地看遍峰巒處處低

次韻子由題光化塔

古佛悲憐得度人應緣來現比丘身水流月落知何處  
花發鸞啼又一春方外笑談清似玉夢中煩惱細如塵  
老僧自說從居此却悔平時事遠巡

子由詩 山頭孤塔闕真人云是僧伽第二身處處  
金錢追晚供家家蠶麥保新春欲求世外無心地一  
掃胸中累劫塵方丈近聞延老宿清朝留客語逡巡  
次韻子瞻贈金山寶覺大師



淮海集 卷之八  
雲峰一變隔炎涼猶喜重來飯積香宿鳥水干迎曉開  
亂帆天際受風忙青鞋踏雨尋幽徑朱火籠紗語上方  
珍重故人敦妙契自憐身世兩微茫

子瞻詩

誰能斗酒博西涼但記齋厨法鼓香往事

真同一夢覺高談誰洗五年忙清風漫與山阿曲明  
月常隨屋角方稽首願師憐久客直將歸路指茫茫

遊鑑湖

畫舫珠簾出繚牆天風吹到芰荷鄉水光入座杯盤瑩  
花氣侵人笑語香翡翠側身窺綠酒晴蜓偷眼避紅粧

莆萄力緩單衣怯始信湖中五月涼

謁禹廟

陰陰古殿注脩廊海伯川靈儼在傍一代表冠埋石窆  
千年風雨鎖梅梁碧雲暮合稽山暗紅芰秋開鑑水香  
令我免魚繇帝力恨無歌舞奠椒漿

蓬萊閣

雄簷傑檻跨崢嶸席上風雲指顧生千里勝形歸俎豆  
七州和氣入簫笙人遊晚岸朱樓遠鳥度晴空碧嶂橫  
今夜請看東越分藩星應帶少微明



程公闢次韻  
 半天鍾鼓宴崢嶸早晚陰晴景旋生  
 湖暖水香春載酒月寒雲白夜聞笙金鼇破海頭爭  
 並玉鷺排烟陣自橫我是蓬萊東道主倚欄先占日  
 初明

別程公闢給事

人物風流推鎮東夕郎持節作元戎樽前倦客劉師命  
 月下清歌盛小叢裘弊黑貂霜正急書傳黃犬歲將窮  
 買舟江上辭公去迴首蓬萊夢寐中

程公闢次韻

君家仲父早相從晚接清談有阿戎

曲水暢情林竹茂小山招隱桂枝叢與時搏擊飛終  
 遠隨處登臨興莫窮人下天來應問得高名已到月  
 華中

中秋口號

雲山簷楯接低空公宴初開氣鬱葱照海旌幢秋色裏  
 激天鼓吹月明中香槽旋滴珠千顆歌扇驚圍玉一叢  
 二十四橋人望處台星正在廣寒宮

豈良客有傳朝議欲以子瞻使高麗大臣有惜其去者

白罷之作詩以紀其事

與莘老同賦



學士風流異域傳幾航雲海使南天不因名動五千里  
豈見文高二百年貢外別題求妙札錦中翻樣織新篇  
淹留却恨鴛鴦行舊不得飛觴駐蹕前

莘老原唱文章異域有知音鴨綠差池一醉吟穎  
士聲名動倭國樂天辭筆過鷄林節髦零落瓊吞雪  
辯舌縱橫印佩金奉使風流家世事幾隨浪拍海東

岑

淮海集卷之八終

淮海集卷之九

宋高郵秦觀少游撰  
明海鹽王廷俊君英校

七言律詩

顯之禪老許以草庵見處作詩以約之

汨汨塵勞不自堪駝裘鞭馬度晴嵐洞天宵窅清都邃  
神水歆蒸翠釜涵列岫過霜仍晻曖雙松迎臘正驂驪  
此心久已蒙師指更許山中爲結庵

橡葉岡頭釋馬銜區中奇觀得窮探崖空飛鼠聲相應



江靜羣峰影倒涵居士碧雲裁秀句道人哀玉扣清譚  
偶成二老風流事不是三乘宿草庵

參寥次韻 盤盤秀嶺拱層簷方丈門門揖翠嵐風  
激松梢聲聞發月留泉底影相涵天機清曉猊臺震  
險句窮宵虎穴探白傳異時脩故事杖藜應許到雲  
庵

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾  
風生陰穴帶龍腥壁間泉貯千鍾碧門外天橫數尺青  
更欲仗筇留頃刻却疑朝市已千齡

附莘老詩 側徑縈紆入杳冥神鏡鬼鑿露巖扃天  
懸乳石映華蓋壁隱莓苔蠹翠屏九道寒江雲外白  
一池陽井雪中青還同康樂登臨海可共羊河筆不  
停

附參寥和 瞳矐杲日破林垆笑語相將馬暫停路  
與猿猴爭險磴身隨鴻鵠入青冥巉巖曲穴疑無底  
蟠屈蒼虬信有靈能使謝公詩興動宛如游刃發新  
硎



送蔣穎叔帥熙河二首

侍臣不合出都門，爲有威名藩漢尊。  
戶部左曹回妙手，匈奴右臂落清樽。  
揮毫珠璧生談笑，轉盼龍鸞在夢魂。  
潮海一空何足道，歸來黃閣坐調元。

天馬蒲萄隔域門，漢庭誰更勇如尊。  
行臺曉日屯千騎，祖道春風屬一罇。  
莫許留犁輕結好，便令旣脫復游魂。  
要須盡取熙河地，打鼓梁州看上元。

和劉僕射感舊言懷寄蘇左丞左丞昔守南京僕射方爲幕客今同爲執政作此詩僕射詩略記其

一聯云論文青眼今猶在，報國丹心老更同。

三禁提衡繫擾龍，拜無燒尾有家風。  
班行舊號青雲士，賓主今爲黃閣公。  
炯炯坐屏雲母隔，珊珊行佩水蒼同。  
自驚初到蓬來上，便見驪珠出海宮。

西城宴集元祐七年三月上巳詔賜館閣官花酒  
以中澣日游金明池瓊林院又會於國夫人園會  
者二十有六人二首

春溜泱泱初滿池，晨光欲轉萬年枝。  
樓臺四望烟雲合，簾幕千家錦繡垂。  
風過忽聞花外笑，日長時奏水中嬉。



太平誰謂全無象寓在羣仙把酒時

次王敏中少監韻

宜秋門外喜參尋豪竹哀絲發妙音金爵日邊棲壯麗  
彩虹天際臥清深已煩逸少書陳迹更屬相如賦上林  
猶恨真人足官府不如魚鳥自飛沈

次王仲至侍郎韻

清明前一日李觀察席上得風字

病軀寒食百無悰偶到平陽舊地中池籞信爲三輔冠  
杯盤真有五陵風美人賦韻分春色上客揮毫奪化工  
白髮漸於花柳薄但憐流水碧相通

次韻羅正之惠綿扇

吳扇新翻製素綿名郎持贈意俱圓有人充戶脩明月  
無女乘鸞向紫烟供奉宜升清暑殿動搖合作御風仙  
誰知揮却青蠅輩功在春蠶一覺眠

寄新息王令藏春塢

令尹才高寺爲空歲時行樂與民同旋開小塢藏春色  
更製新聲寫土風客向罇前忘爾汝路穿花去失西東  
無言媿女今焉在桃李相傳恨未窮

送劉承議解職歸養

征馬蕭蕭柳外鳴議郎歸養洛陽城登山尚記飛雲處



淮海集 卷之九  
罷吏端如棄唾輕爲米折腰知我拙下車入里見君榮  
堂前嵩少宜秋色獻壽還應旋製聲

次韻王仲至侍郎會李觀察池上

螭口清漪下玉欄隔花時聽鳥關關酒行寒食清明際  
人在蓬壺閬苑間天近省闈卿月麗春偏戚里將星閑  
忽思歸去焚香坐靜取楞嚴看八還

慶張君俞都尉留後得子

天上吹簫玉作樓蟠桃熟後更無憂內家報喜車凌曉  
太史占祥斗掛秋龍得一珠應獻佛虎生三日便吞牛

魯元福祿何人似坐見張敖數子侯

寄題趙侯澄碧軒

風流公子四難并更引清漪作小亭潤及玉階春漲雨  
光浮藻井夜涵星捲簾几硯成圖画倚檻鬚髮入鏡屏  
何日解衣容借榻臥聽螭口瀉泠泠

寄張文潛右史

解手亭臯纔幾月春風已復動林塘稍遷右史公何忝  
初閱除書國爲狂日出想驚儒發冢風行應罷女爭桑  
東坡手種千株柳聞說邦人比召棠



次韻裴秀才上太守向公二首

東風已動北風歸寒氣侵尋自霽威何處管絃傳臘酒  
誰家刀尺製春衣使君英妙開蓮幕別駕風流出粉闈  
唯有廣文官獨冷終年如坐水邊磯

上客新從穎尾歸使君高會列南威風將沈燎縈歌扇  
雪帶梅香上舞衣翻樣雲團分御帑如椽蜜炬出宮闈  
食前方丈羅珍怪却訝犀燃牛渚磯

次韻太守向公登樓眺望二首

茫茫汝水抱城根野色偷春入燒痕千點湘妃枝上淚

一聲杜宇水邊魂遙憐鴻隙陂穿路尚想元和賊負恩  
粉堞女牆都已盡恍如陶侃夢天門

庖烟起處認孤村天色清寒不見痕車網湖邊梅濺淚  
壺公祠畔月銷魂封疆盡是春秋國廟食多懷將相恩  
試問李斯長歎後誰牽黃犬出東門

寄錢節

時節出爲揚州從事新錄兼簡參寥

論月柴門不浪開命車良爲故人來茫然極目春千里  
尚想愁腸日九回綠水池邊聊復爾黃梁枕上信悠哉  
何時共約參寥子自擷青菁作飯材



贈劉使君景文  
落落衣冠八尺雄  
魚符新賜大河東  
穰苴兵法申司馬  
曹植詩原出國風  
拈筆古心生篆刻  
引觴俠氣上雲空  
石渠病客君應笑  
手校黃書兩鬢蓬

答龔深之

深巷茅簷日漸長  
臥看花鳥競朝陽  
惜無好事攜樽酒  
賴有鄰家振燭光  
尚有頗存書萬卷  
封侯正闕木千章  
錯刀錦段相仍至  
小子都忘進取狂

次韻答裴仲謨

十年淮海間居草  
偶遣兒童次第成  
方愧貧家矜敝帚  
忽蒙鄰壁借餘明  
文昌但願花前老  
張翰何須身後名  
移病闔門參拜阻  
臥聽車馬去來聲

答曾存之

環堵蕭然汝水隈  
孤懷炯炯向誰開  
青春不覺書邊過  
白髮無端鏡上來  
祭竈請鄰聊復爾  
賣刀買犢豈難哉  
故人休說封侯事  
歸釣江天有舊臺

春日寓直有懷參寥

觚稜金爵自岧峩  
藏室春深更寂寥  
捫虱幽花歛露葉



岸中高柳轉風條文書几上鬚髯變鞍馬塵中歲月銷  
何日一筇江海上與君徐步看生潮

次韻裴仲謨和何先輩二首

聞說何郎操行端蕭然環堵若為安鳥啼花發阻攜手  
水遠山高空凭欄別後想多黃絹作春來尤厭惠文彈  
兩章讀罷知高義貴賤交情自古難

汝南古郡寡參尋兀兀長如鶴在陰支枕星河橫醉後  
入簾風絮報春深青山未落詩人手白髮誰知國士心  
多謝名郎傳綠綺愧無佳句比南金

荅闍求仁謝參寥温訪於墳所

老漚城西木半摧崑崙岡下路新開故人此地銜憂去  
禪客他時問疾回聞為樹風增永感却因水鳥證西來  
已謀寒食驅羸馬細聽清談動玉哀

次韻劉遜父以寧齋詩二軸作以還之

揚舲偶過海邊州一見名郎破百憂荀氏諸龍俱俊偉  
河東小鳳最風流明珠白璧堪投報細草幽花入獻酬  
別駕舊齋何足念文昌新府待公游

次韻何子温



一星就起海隅傍縣弩前驅過射陽行見斯民無重困  
坐令吾道有餘光簿書不礙詩人筆猿鳥常窺使者章  
談笑自然羣吏肅何須酒後次公狂  
草幽芥人煖酒  
次韻宋履中近謁大慶退食館中  
九龍齋與對翰  
翠華初致殿中間三館諸儒共一班迎謁曉廷清蹕近  
退穿春仗綵旂閑病來怕飲東西玉老去慚陪大小山  
知續春明退朝錄借觀嘗奉一鳴還  
因木鳥齋西來  
與鄧慎思沐於啓聖遇李端叔  
大人此此會也夫  
羸兵瘦馬犯黃塵自笑區區夢裏身不是對花能伏老

自緣無酒可澆春校書天祿陪羣彥晞髮陽阿遇故人  
三百六旬如此少更添香火坐逡巡

和程給事賢闈黎化去之什  
風流雲散越王城珍重闈黎願力成不使鄧尼驚倒化  
祇教白傅歎先行早因妙契窺曹洞竟以清芬繼肇生  
迴首中庭旌騎散月華還可一方明

再賦流觴亭

仙山遊觀甲寰瀛不比人間日雨亭歌斷瑤池雲杳杳  
酒行金谷水泠泠珠簾捲雨驚秋近羅襪凌波笑客醒



月下珮環馨更好應容揮麈伴公聽

燕觴亭

碧流如鏡羽觴飛夏木陰陰五月時清渭日長遊女困  
武林春去落花遲玉笙吹罷觥籌錯蜜炬燒殘簪珥遺  
吳越風流公第一未輸山簡習家池

會蓬萊閣

冠裳蓋坐灑清風軒外時聞韻籟龍人面春生紅玉液  
銀盤烟覆紫駝峰天涵秋色山山共樹覺鄉思葉葉重  
便欲買船江北去為懷明德更從容

次韻侍祠南郊

風馬雲車下九天郊柴初告帝心虔天如倚蓋臨壇上  
星若連珠繞御前縹緲佩環參雅奏岩堯樓閣抱非烟  
侍臣舉酒欣相屬醉看參橫左右肩

與人與李端叔遊智海用前韻

點目誰能化兩龍超然相見古人風紅塵稍與僧家遠  
白髮偏於我輩公休計浮名千載後且欣湯餅一杯同  
何時並築邗溝上引水澆花半畝宮

和黃冕仲寄題延平冷風閣



冷風三伏是清秋雖有炎蒸不汝留滿地溪山歸藻井  
有時絲管下滄洲快哉便得逍遙趣偶爾還成汗漫遊  
誰謂發揮無妙手賦凌楚玉有家丘

次韻謝李安上惠茶

故人早歲佩飛霞故遣長須致茗芽寒橐遽收諸品玉  
午甌初試一團花著書懶復追鴻漸辨水時能效易牙  
從此道山春困少黃書剩校兩三家

次韻范純夫戲荅李方叔饋笋兼簡鄧慎思

楚山冬笋斲寒空北客長嗟食不重秀色可憐刀切玉

清香不斷鼎烹龍論羨未愧尊千里入貢當隨傳一封  
薄祿養親甘旨少滿包時賴故人供

寄少儀弟

一隔音塵月屢遷忽收來問涕潛然栖遲冊府吾如昨  
流落江村汝可憐夢裏漫成池草句愁來空誦棣華篇  
卑飛暫爾無多恨會有高風送上天

九月八日夜大風雨寄王定國

長年身外事都捐節物驚心一悵然正是山川秋入夢  
可堪風雨夜連天桐稍撼撼增悽斷燈燼飛飛落小圓



滌洗此情須痛飲明朝試就酒中仙  
林次中奉使契丹劉仲平出倅鄆州同舍十有六  
人飲餞于丁氏園次少蓬韻二首

鮮車百乘使龍庭路指金燕古北平祖帳列山脩故事  
行臺諸部奏新聲留犁撓酒知胡意尺牘移書示漢情  
納節便應歸法從中途已報制書行

右送次  
中諫議

須句別駕偉儀刑陵谷初無見坦平七子建安推世藝  
五經中秘擅家聲南宮參綴端如夢東觀分攜空復情  
莫愛谿堂好風月早來龍尾道前行

右送平  
仲學士

九卷終

淮海集卷之十

五六言絕句

題趙團練江干曉景四絕

本自江湖客宦遊常苦心看君小平遠懷我舊登臨

其二  
鳥外雲峰晚沙頭草樹晴想初揮灑就侍女一齊驚

其三

公子歌鍾裏何從識渺茫惟應斗帳夢曾到水雲鄉

其四



曉浦烟籠樹春江水拍空煩君添小艇画我作漁翁  
夢中得此

編帶橫秋匣寒流炯暮堂風塵如未息持此奉君王

寧浦書事六首

揮汗讀書不已人皆怪我何求我豈更求榮達日長聊  
以銷憂

魚稻有如淮右溪山宛類江南自是遷臣多病非干此  
地烟嵐

南土四時盡熱愁人日夜俱長安得此身如石一齊忘

了家鄉

洛邑太師奄謝龍川僕射云亡他日歸然獨在不知誰  
似靈光

身與杖藜爲二對月和影成三骨肉未知消息人生到  
此何堪

寒暑更拚三十同歸滅盡無疑縱復玉關生入何殊死  
莫蠻夷

淮海集卷之十終



新編淮海集卷之十一

葵堂夷

宋李夏詩三十句

出師詩

得與林然為二

則靈次

宋李

宋李

淮海集卷之十一

七言絕句

寄孫傳師著作

上林池籞富春風十里宮青錯御紅應與少年修故事

誤隨遊轂柳花中

泗州東城晚望

渺渺孤城白水環舳艫人語夕霏間林梢一抹青如畫

應是淮流轉處山

戲雲龍山人二絕



芳草未應羞鴨鳩潛鱗終是畏提壺蔡經背上痕猶在  
更念麻姑指爪無

選勝只攜長脰鶴入塵還駕短轆車時人若問虛玄事  
笑荅無過李老書

圓通院白衣閣三首

白衣閣外遶朱欄人在琉璃菡萏間誰把此花爲刻漏  
修行不放一時閑

無邊刹境一毫端同住澄清覺海間還是此花并此葉  
壞空成住未曾閑

一根反本六根同古佛傳家有此風滿目紅蕖參翠蓋  
不唯門裏獲圓通

照閣

彌猴鏡裏三身現龍女珠中萬象開未若此軒人散後  
水光清泛月華來

睡足寮寄震鼎二弟

與物無營但欲眠客來從笑腹便便秋生淮海涼如水  
得句還應夢阿連

次韻參寥見別



淮海集 卷之十一  
爐香冉冉紆寒穗  
篝火熒熒擢夜芒  
預想江天回首處  
雪風橫急鴈聲長

與倪老伯輝九曲池有懷元龍參寥  
雲月娟娟淮海秋  
隋家池上共浮游  
可憐一段風流事  
特欠支郎與子猷

春日五首

幅巾投曉入西園  
春動林塘物物鮮  
却憇小亭纔日出  
海棠花發麝香眠

一夕輕雷落萬絲  
霽光浮瓦碧參差  
有情芍藥含春淚

無力薔薇臥曉枝

袂衣新著倦琴書  
散策池塘返照初  
翠碧黃鸝相續去  
荇絲深處見遊魚

春禽葉底引圓吭  
臨罷黃庭日正長  
滿院柳花寒食後  
旋鑽新火蕪爐香

金屋舊題煩乙子  
蜜脾新採賴蜂臣  
蜻蜓蛺蝶無情思  
隨例顛忙一作狂過一春

秋日三首

霜落邗溝積水清  
寒星無數傍船明  
菰蒲深處疑無地



忽有人家笑語聲

月圓新碾瀹花甕飲罷呼兒課楚詞風定小軒無落葉

青蟲相對吐秋絲

連卷雌蜺掛西樓逐雨追晴意未休安得萬粧相向舞

酒酣聊把作纏頭

次韻子由召伯埭見別三首

孤蓬短榜沂河流無賴寒侵紫綺裘召伯埭南春欲盡  
爲公重賦伴牢愁

子由詩

濛濛春雨濕邗溝蓬底安眠晝擁裘知有

故人家在此速將詩卷洗閑愁

青熒燈火照深更逐客舟航冷似冰到處故應山作主  
隨方還有月爲朋

子由詩

筆端大字鴉棲壁袖裏新詩句琢冰送我

扁舟六十里未嫌罪垢污交朋

冠蓋紛紛不我謀掩關聊與故人遊會須匹馬淮西去  
雲巘風溪遂所求

子由詩

高安此去風濤惡還有廬山得縱遊便欲

攜君將船去念君無罪去何求



還自廣陵四首

薄茶便當烏程酒短艇聊充下澤車墳墓去家無百里  
往來仍不廢觀書

南北悠悠三十年謝公遺埭故依然欲論舊事無人共  
臥聽鍾魚古寺邊

邗溝繚繞上雲空坐阻層冰不得通賴有東風可人意  
爲開明鏡玉奩中

天寒水鳥自相依十百爲羣戲落暉過盡行人都不起  
忽聞水響一齊飛

元日立春三絕

此度春非草草回美人休着剪刀催直須殘臘十分盡  
始共新年一併來

發春獻歲偶然同新曆觀天最有功頭上兩般幡勝影  
一時飛入酒杯中

攝提東直斗杓寒驟覺中原氣象寬天爲兩宮同號令  
不教春歲各開端

次韻宋履中題李侯檀欒亭

陰陰數畝籜龍稠亭外危通一徑幽頗似竹林當日集



酒狂莫笑阮陳留

春日偶題呈錢尚書

三年京國鬢如絲又見新花發故枝日典春衣非爲酒  
家貧食粥已多時

戶部錢尚書和詩餉米再成二章上謝

本欲先生一解頤頓煩分米慰長饑客無貴賤皆蔬飯  
惟有慈親食肉糜

夢裏光陰挽不回掩關獨坐萬緣灰偶因問訊維摩病  
香積天中施飯來

擬題織錦圖

悲風鳴葉秋宵冷寒絲縈手淚殘粧微燭窺人愁斷腸  
機翻雲錦妙成章

晚出左掖

金爵觚稜轉夕暉翩翩宮葉墮秋衣出門塵障如黃霧  
始覺身從天上歸

次韻蔡子駿瓊花

無雙亭上傳觴處最惜人歸月上時相見異鄉心欲絕  
可憐花與月應知



處州水南庵二首

竹栢蕭森溪水南道人爲作小圓庵市區收罷魚豚稅  
來與彌陀共一龕

此身分付一蒲團靜對蕭蕭玉數竿偶爲老僧煎茗粥  
白攜脩綆汲清寬

三月晦日偶題

節物相催各自新癡心兒女挽留春芳菲歇去何須恨  
夏木陰陰正可人

次韻東坡上元扈從三絕

赭黃繖底望龍章不斷惟聞蠟炬香一片韶音歸複道  
重瞳左右列英皇

端門魏闕鬱崢嶸燈火成山輦路平不待上林鷲百轉  
教坊先已進新聲

仗下番夷各一羣機泉如雨自續紛細看香案旁邊吏  
却是茅家大小君

四時四首贈道流

本是匡山種杏人出山來事碧虛君上清欲問因何事  
請看先生十齋文



天風吹月入欄干鳥鵲無聲子夜闌織女明星來枕上  
了知身不在人間  
夜深樓上撥書眠天在欄干四角邊風拂亂雲毫髮盡  
獨留璧月向人圓  
陰風一夜攪青冥風定霏霏散雪零遙想玉真清境上  
白虛光裏誦黃庭

奉別牛司理

堂堂先德擅才名詞賦高凌墨客卿之子妙齡初筮仕  
好修文史繼家聲

送酒與泗州太守張朝請

莫笑杭州別駕村昔曾柱下數承恩而今雖是江湖吏  
猶有當時七字尊

題柳陽道中古寺壁二絕

門掩荒寒僧未歸蕭蕭庭菊兩三枝行人到此無腸斷  
問爾黃花知不知  
荒山一夜雨吹風  
哀歌巫女隔祠叢饑鼠相追壞壁中北客念家渾不睡

又別牛司理



半年掩卹越溪濱好愛如君只數人解手莫令書信斷  
故園桑梓幸相鄰

和工部侍郎新章

薨棟相連數畝中出門遙見大明宮朝元雖共浮丘伯  
煇茗還同桑苧翁

題金華山寺壁

鸞鶴同爲汗漫遊天風吹散下滄洲金華有路通元氣  
水繞高寒不斷流

出省馬上有懷蔣穎叔次韻

新淬魚腸玉似泥將軍唾手取河西偏裨萬戶封龍額  
部曲千金賜裹蹄

制詔行聞降紫泥簪花且醉玉東西羗人誰謂多籌策  
止有黔驢技一蹄

唱首云 春雪京城一尺泥並鞍還憶蔣征西碧幢

紅旆出關去一路東風送馬蹄

不論埃塈與塗泥封印還家日已西豈比元戎碧油  
下貔貅繞帳馬千蹄

元祐三年余被召至京師從翰林蘇先生過興國



浴室院始識汶師後二年復來閱諸公詩因次韻  
聊移小榻就風廊臥久衣巾帶佛香白髮道人還省記  
前年引去病賢良

客有遺予以假山石池者聞陳元發有石菖蒲作  
詩乞之

瑟瑟風漪心爲清更窺齒萃眼增明可憐一片江山樣  
只欠菖蒲十數莖

興國浴室院獨坐時兒子湛就試未出

滿城車馬沒深泥院裏安閑總不知見輩未來鈎箔坐

長春花上雨如絲

題務中壁

醞頭春酒響潺潺壚下黃翁寢正安夢入平陽舊池館  
隔花螭口吐清寒

題法海平閣黎

寒食山州百鳥喧春風花雨暗川原因循移病依香火  
寫得彌陀七萬言

留別平閣黎  
緣盡山城且不歸此生相見了無期保持異日蓮花上



重說如今結社時  
紹興元年觀自國史編修官蒙恩除館閣校勘通判  
官杭州道貶處州管庫三年以不職罷將自青田以歸  
乘因往山寺中修懺日書絕句於住僧房壁

韻去歲平閣祭

國子監口士書夾

韻

韻

韻

韻

韻

韻

淮海集卷之十一終



